

桂質柏著

大學圖書館使用法

著作者

美國芝大圖書館學博士
國立四川大學圖書館主任

桂質柏

發行者 國立四川大學圖書館

印刷者 成都誠達印書館代印

每冊售大洋壹角

中華民國廿五年九月二十四日出版

大學圖書館使用法

桂質柏

圖書爲智識之源泉，學問之淵府；有圖書則可促成人羣之進步，增益社會之文明。大學居中國教育制度最高之地位，學術之促進，將來科學及社會領袖人才之訓練，及文化標準之保持，尤爲大學所應負之責任。吾國近年以來，大學教育之觀念精神，經已改變（註一）。大學生從前之重視課本，與教師之講義，而不旁及其他名著之求學方法，早已無存之價值。代此而起者，爲自動研究之教育；是故今日言教授法者，不外啓發，實驗，設計，諸式。換言之，卽予以綱領，使自由循繹，由一反三，旁稽博攷，以所學證于實際也。夫物理化學固可於實驗室爲之，然學理之實驗室，不得不資於圖書館也。工欲善其事，必先利其器；人之智識有限，而應知之事無窮，苟欲盡量以求知，則應求知之道。換言之，卽利用圖書之方法也。茲分別論之於後：

（一）目 錄

大學圖書館，任何藏有多數之良書，而不講利用之方法，則藏書等於死耳。目錄之

能事，在使閱覽者滿足檢書之便利；吾人檢查書籍，或僅知著作者之名，或僅知書名，或兩者均無所知，但欲研究某事項之書物者，不能不參攷目錄。就形式上言之，目錄可分爲書本式，及卡片式二種。

書本目錄，因其形體之爲冊，圖書館以外，所在皆得檢索；且可一目數行，乃至一面之便，然非持久之道。設館中圖書，有增無己，歷時既久，勢必添加附錄，自一冊二冊三冊；冊數既多，檢查益難。每覓一冊，或須遍檢各冊，始得其名；耗費時間，莫此爲甚；況添加目錄，非一朝一夕之事。多或年餘，少則數月，其中必有一時期，館中所
有新到之書，無可檢查矣。

卡片目錄，由白色卡紙製成，其標準大小，每片長三英寸，寬五英寸，。紙之厚薄，亦宜斟酌。過厚則佔地位。過薄則易損壞。厚薄適中，方能合用。吾國現漸有專製者（註二）。每書所需卡片之數，視圖書多寡，目錄詳簡而定（註三）。卡片之下有小孔，蓋備裝入目錄總匣之用。凡目錄之匣，必有圓形鐵條，橫貫其中，以便卡片列入；故各片

相連，不致分散。檢尋之時，次序亦不紛亂。圖書增加時，卡片亦得隨之增加，但不便攜出館外。吾國圖書館之趨勢，平日雖採用卡片式目錄，但每五年，印刷成冊，俾易參攷攜帶；且以數百千部之複本，而廣目錄之傳也（註四）。就種類上言之，目錄可約分爲五種：（一）著者目錄之功用，在使閱者能因著者姓名，查悉館中有無該人所著之書。中文書籍，多先以著者姓名第一字之筆畫，後以第二字之筆法爲序。西文書籍悉以英文字母爲序。（二）書名目錄之功用，在使閱者能因書名查悉館中有無某書。（三）標題目錄之功用，在將館中關於某題之各種著作指示閱者。（四）叢書目錄之功用，在使閱者查悉館中之叢書詳數及其內容。（五）期刊目錄之功用，在載明館中期刊之卷期完整，或殘缺，停刊，或繼續發行等情。

以上五種目錄，其名稱格式雖異，而目的則同，一言以蔽之，曰，使人能利用圖書館也。

（二） 百科全書

百科全書，即我國之類書也。無論中外，概皆包羅萬有，記載簡明，排法順序，檢查便利；蓋圖書典籍，浩如煙海，縱使才高八斗，學富五車，亦難盡讀全知。然於研究一學一科之時，查尋一事一物之際，勢願求其全；而求全之道，則舍博蒐詳輯參稽互考不爲功。邇來此類書籍日見繁夥，售者既多，良莠難齊，閱覽者稍一不慎，即受影響。茲將鑒定類書之要點列下：（一）著作或編輯人，如學識資格及所負責任。（二）範圍，係普通，抑係專門，及時代之限制。（三）體裁，如排列法，及文字之多寡，是否得宜。（四）內容，係通俗，抑係高深，創作，抑係鈔錄。論文是否署名，事實是否正確可據，態度是否公正，有無參攷書目，有無圖表，有無索引等。（五）出版時期。（六）書之外表，如形式，紙料，印刷，及裝訂。（七）如係再版，有無修正增訂之處，修改之程度如何，凡此種種，咸與利用圖書館有莫大之關係，不可忽視者也。

中國類書之體例，約可分爲三種，（一）爲分類式，則視事物性質分類以便查也。（註五）（二）爲字典式，視事物之詞語，首一字之筆畫，形狀，分隸之，以便查也。（註

六) (三) 爲韻目式，用事物詞語首一字或末一字應屬何韻目分隸之，以便查也。(註七)。

大抵分類式，頗有能資某種學術實事之專門參考。以其彙某種事實於一處，而所隸不限於片詞集義也。若字典音韻二種，多供名詞語典之檢查，而罕有源源本本之紀述也。

西文百科全書；標題人名地名等，均按西文字母排列，另於每冊書脊上，以羅馬數字，表明冊數，閱者倘未能檢查所尋之標題時，則可尋其他同性質之標題，例如不能尋 Drawing, Architectural. 時，可見 Drawing, Engineering.，或全書之索引，不難一索即得(註八)。

(三) 字典

字典之目的，在能註明各字之音義根源及應用。(一)以韻分。(二)以義分。(三)以形分，三種。以韻分者，唐之廣韻，宋之集韻，元之韻會，明之洪武正韻，等是也。以義分者，爾雅博雅等書是也。以形分者，始於說文至篇，繼於字彙，正字通，康熙字典等書是也。時至今日，各國文字新增之字，各字新增之義，均不甚少，人之智識有限

，學者研究之際，其最沮喪人之興趣者，厥惟字之音義，根源，及應用，不能澈底明瞭，倘不知如何使用字典者，則必費時久而所得甚微也。

(四) 辭典

辭典專以解釋名詞之意義爲主，普通可分爲三種。(一)人名辭典(註九)。(二)地名辭典(註十)。(三)某類辭典(註十一)。

人名辭典之功用，在記載某人之生平事蹟，例甚簡明，並分國別時間之別，茲特舉中國人名大辭典以言之，此書係商務印館所編，收錄吾國名人，起自太古，斷於清末，共計四萬餘。其排列法，悉依姓氏筆畫多少爲序，如第一字筆畫相同者，則以第二字畫數爲準，上二字相同者，則以第三字畫數爲準，同畫則以部相從。其中單姓，複姓，非姓，別爲識別。單姓複姓以點「·」爲記，如「丁·寬」「上官·傑」。其非姓者，不加點如一行，「八大山人」等。有姓而無名者，亦不加點，如某公某子某先生等。每一姓氏之下，附有代別，及簡略之生平事蹟。

英文人名辭典，如 *International who's who*。（註十一）或 *Who's who in America*。（註十二）專錄全世界或美國現代人名。故欲知某國人之著作，或事業，現任要職，及通訊處等，非此類書籍不可。

地名辭典，專爲檢查地球上各處之名稱，故洲洋海河湖山城邑鎮市村等。無不臚列。並註明讀音地位，歷史出產，及現狀。近數十年來，科學發達極速，不僅數量增加，而範圍亦擴大矣。由是科別愈趨愈窄，門目益演益專，蕃殖無窮，是故某科辭典，專以解譯某科之名詞，如地學辭典，其于關心該學科者之價值，當可想見矣。

（五） 年 鑑

年鑑名目繁多，不勝枚舉（註十四），但略可分爲記載一年之重要事項，普通專門之別，其最大功用係記載一年中發生之事項。關於此類書籍，多係分類排印，載有詳細目錄，或索引，學者須應細閱，以免徒費光陰之苦。

(六) 期刊索引

期刊乃定期出版物之統稱也，如日報，週刊，旬刊，半月刊，兩月刊，季刊，半年刊，年刊等。所載題目多爲圖書館書目所不載者，或竟尙無專書論之者，蓋因出版極速，不若書籍之耗時費力也。對於某事某人表現一時民衆之意見，爲參攷上之重要資料。惟以頭緒紛紜，恒苦散漫，難以稽攷，縱有剪貼，亦竟浩繁。期刊索引，在將期刊上各項問題，分門別類，編成條理分明之系統史料，極便於研究社會時事諸問題者之參攷。是故多數西文優美期刊，均有索引，或積年累卷而自成一索引，以便彙訂成冊，而易保存，及應用；或按期分類刊入普通或專門之期刊總索引內（註十五）。吾國關於此項工作，尙屬鳳毛麟角，「人文雜誌」刊印索引，爲吾國索引期刊第一家。發行以來。社會甚爲贊成，繼如「中華教育界」加印教育論文索引，「商業月刊」附設商務論文索引，均爲學者重要之參攷；再如南京中山文化教育館刊行之「期刊索引」（註十六），及「日報索引」，均屬此類。其詳細辦法，逐漸改善，此乃可慶者也。

結 論

教育無止境，學問亦無止境，學生在校讀書，如祇受教育在課室內所講授之知識，則其所得有限，蓋授課時間無多也。今日教育之趨勢，教員除在課室講授，仍須指導學生課外之參攷。清人唐彪云（註十七），「有當讀之書，有當熟讀之書，有當看之書，有當再三細看之書，有當必備以資參攷之書。」蓋社會之文明，古聖遺教，皆賴書籍之傳遞，吾人生於斯世，必須讀書，不讀書則知識不能增，學問不能長，倘知利用圖書之方法，則事半功倍耳。

以上所述，至爲平凡，明知掛一漏萬之譏，在所難免，惟意在拋磚引玉，就正於海內碩學焉。

（註一）見教育部編中國教育年鑑（開明書店出版）乙編，第六十二面，大學規程十八年八月十四日公布。

（註二）上海牛莊路七四四號青年印刷所，上海貴州路二百號商務印刷所，對於圖館用品

，均能製造。

(註三)見拙著中文圖書編目法。(南京中央大學)

(註四)北平清華大學圖書館武昌武漢大學圖書館廣州中山大學圖書館均採此種辦法。

(註五)例如圖書集成，分六彙編三十二典。

(註六)如辭源，上海商務印書館出版。

(註七)普通多用末一字，爲佩文韻府之屬；用上字者，爲駢字類編之屬。

(註八)Encyclopedia Britannica 14th ed. 1932

(註九)中國人名大辭典。(上海商務印書館)

(註十)中國古今地名大辭典。(上海商務印書館)

(註十一)王益厓地學辭書。(上海中華書局)

(註十二)International who's who (London: Europa Publications, Ltd)

(註十三)Who's who in America (Chicago A. N. Marquis Co.)

(註十四)如甲報年鑑，(上海申報年鑑)，中國年鑑，(上海商務印書館)，時事年刊，(上海大東書局印)，圖書年鑑(楊家駱著)。

(註十五)如西文 Readers' Guide to Periodical literature (N. Y.: H. W. Wilson Co.)

(註十六)期刊索引，係中山文化教育館二十二年十一月卅日出版，日報索引廿三年一月正式發刊。

(註十七)見唐彪著讀書作文譜卷一。

刊誤

十	十	九	七	頁數
六	六	十二	七	行數
二四	十二	三五	十七	字數
爲駢	爲佩	圖館	關心	誤
如	如佩	圖書館	關心	正

